



Ministério dos Assuntos  
Parlamentares e Comunicação  
Social



Gabinete Secretária de  
Estado Para a Comunicação  
Social

## NOTA IMPRENSA BA POLÍTIKA HARIÍ LEI RADIODIFUZAUN

### • INTRODUSAUN LEI RADIODIFUZAUN

Sekretáriu Estadu Komunikaun Sosiál (SEKOMS) liuhosi nia Diresau Nasionál Dizeminaun Informasaun (DNDI) ho nia Departamentu Peskiza, Análize Mídia (DPAM) nu'udar Instituisaun iha VIII Governu iha iníiativa halo ona konsultasaun ba publiku hodi hatene oinsá sira ka públiku nian opiniaun ba kria Lei kona-ba Radiodifuzauun iha Timor-Leste. Peskiza ne'e konsege realiza ona iha nu'udar prosesu pré-requisitu atu hetan dados komprensivu hanesan rekomendasaun indikadór sira ba prosesu harii ezbosu lei radiodifuzauun. Peskiza halo komesa husi Dezembru 2018 to'o Feveireiru iha terrióriu Timor-Leste. Iha fulan Marsu 2019 ekipa peskiza kompila no analiza dados no halo synopsis nu'udar indokadór no rekomendasaun prinsipál ba dezenvolve estrutura lei Radiodifuzauun. SEKOMS komesa dezenvolve ona no finaliza no apresenta ba Diskusaun Meja Kabuar (DMK) iha Janeiru to'o Feveireiru 2020 atu hetan komentáriu husi autór xave oioin nu'udar input ikus ba finaliza ezbosu lei refere.

Serteza katak lei ne'e importante tebetebes hodi regulariza sistema komunikaun sosiál iha Timor-Leste ne'ebé to'o agora nota sei hetan dezafiu oioin. Maibé fó nafatin liderdae no laiha limitasaun ba Intituisaun Mídia ba programa simu no fahe informasaun ba públiku iha konsiderasaun másimu étika jornalismo. Autoridade no âmbito tarefa husi Komisaun ka Konsellu Radiodifuzauun maka konklui arranju ka norma regulamentu radiodifuzauun ne'ebé realizada husi Instituisaun Radiodifuzauun publika sira, privadu no instituisaun Radiodifuzauun Komunikatáriu iha nasionál no mós iha nivel Munisípiu sira ne'ebé ho atendementu independente no imparsiál.

Independénsia garantidu atu hato'o opiniaun no hetan informasaun liuhosi radiodifuzauun nu'udar aplikasaun Direitu Umanu iha moris Sosiedade ho karakter nasionalizmu ba país no nasaun. Espektrum frekuénsia rádiu nu'udar rekursu natureza ne'ebé iha limitasaun nu'udar riku-soin nasionál ne'ebé estadu presiza fó seguransa no konseva no utiliza másimu ba prosperidade moris povu nian bazeia ba prinsípiu ukun rasik an. Atu asegura integrasaun nasionál, diversidade iha sociedade Timor-Leste entre ethnolinguístiku no ethnográfiku ba alkansa objetivu descentralizasaun otónomu munisipalidade, tanba ne'e presiza sistema radiodifuzauun nasionál ne'ebé garantia kriaun norma sira ba informasaun nasionál liuhosi komunikaun sosiál ne'ebé justu, balansu ba alkansa justifikadu sosiál ba timór-oan tomak.

## • ISTÓRIA BA HARII LEI RADIODIFUZAUN:

### 1. What/why - Saida maka akontese hodi bele sai razaun forte katak Lei Radiodifuzau importante liu atu harii iha Timor-Leste?

#### Problema hirak ne'ebé akontese maka hanesan tuir mai:

- Mídia jornal balu ne'ebé dala ruma hasai informasaun, mensajen no imajen sira la dignifika ema nia honra pesoál umana nian;
- Instituisaun Mídia ho sira nian jornalista balu iha prosesu simu no fahe informasaun la imparsiál no la independente, dala ruma halis ba interese grupu ka partidu polítiku balu, nune'e mós hasai informasaun dala ruma la tuir faktu réal katak informasaun la kredível;
- Mídia informasaun online ne'ebé iha liberdade liubá ema ho identidade momoos no ho ID falsu atu halo publikasaun informasaun kontra étika morál hanesan sibernetiku (cybercrime) ka defamasaun ba ema nia dignidade pesoál ka grupu, liuliu halo demasaun ba Timor-Leste nian lideransa polítiku na'in sira;
- Filme telenovela sira ne'ebé publika sai iha mídia televizaun la-liuhosi sensura no públiku preokupa tebe-tebes;
- Iha vidio pornografia ne'ebé envolve ema no joven foin-sa'e sira balu iha timor maibé laiha 'Komisaun ka Konsellu Nasionál' ne'ebé kompostu husi lider relijiozus, sosiedade sivil, Governu, Estadu, Parlamentu Nasionál, Polisia Nasionál no seluseluk tán ne'ebé iha knaar no responsabilidade másimu ba rezolve asuntu ne'e ho sériu no lailais liu ho sistema antispadamente;
- Informasaun ne'ebé lansa iha jornál no televizaun iha tendensiózu no iha pontesialidade boot ba kria konflitu, ezemplu vidiu badak CCTV kazu Aimutin entre grupu joven sira asalta malu, TV sira hasai hodi hatudu fila-fali entre parte envolve no sira buka malu hodi labelar eskalasaun konflitu, tuir loloos ne'e informasaun ba parte intelijensia deít, mídia televizaun la presiza foka sai vidio ne'e hosi entre parte sira halo konflitu ka asalta malu iha asaun fíziku;
- Kazu asaun fíziku oho malu, mídia informasaun sira foka sai vítima nian isin lolon ne'ebé hetan sasan kroak rezulta kanek no raan, ne'e preokupasaun boot husi públiku katak fó mensajen ladi'ak ba oan sira katak labarik sira bele trauma, iha parte seluk bele kria hanoin ba ema katak oho ema fasil hanesan oho balada, nune'e kria mentalidade brutalizmu ba nota jersaun. Iha parte seluk mai, asaun sira ne'e iha potenciál ba aumenta ema nian traumátiku husi akontesimentu violasaun fíziku funu laran durante tinan 24, entre tantu ita buka hela mekanizmu atu halo rekopera traumátiku sira husi funu naruk ida ne'e.
- Dezafiu sira ne'e akontese tanba iha Timor-Leste to'o agora laiha "Komisaun ka Konsellu Nasionál Radiodifuzau" ne'ebé bele kontrola mídia jornal sira, televizaun no seluseluk tán.

## • **When – Bainhira Planu ba Harii Lei Radiodifuzau?**

- Komesa husi fulan Dezembru 2018 to'o Janeiru 2019, SEKOMS halo planu no halo konsultasaun ba públiku kona-ba harii "Lei Radiodifuzau" iha Timor-Leste. Apróximasaun ba tempu ne'ebé uza bele halo iha fulan lima (5). Komesa halo planu, fó formasaun no orientasaun ba ekipa peskizadór iha DPAM-DNDI, pesoál husi CRC SEKOMS atu halo peskiza.
- Atividade iha kampu servisu han tempu fulan rua komesa husi fulan Dezembru 2018 to'o fulan Janeiru 2019.
- Iha fulan Dezembru 2018 halo peskiza iha Munisípiu sira, envolve mós Autoro. Iha fulan Feveireiru 2019 fokus ba halo kompilasaun, agrupamentu hodi identifika tema jerál no espesífiku no kontinua halo entrevista, FGD no fahe kusionariu hamutuk 125 iha Munisípiu Dili to'o fulan Feveireiru no mós hahú analiza no hakerek relartóriu ezbosu preliminaríu;
- Iha fulan 23 Dezembru 2019 SEKOMS realiza ona 'Diskusaun Meja Kabuar (DMK)', mekanizmu mak sei konvida ema pérto lei na'in sira timor oan no mós pérto internasionál sira balu hodi halibur ideia ba kompleta informasaun iha kontiúdu ka ezbosu Lei Radiodifuzau liuliu indikadór sira ne'ebé esensiál no importante liubá dezenvolve lei "Radiodifuzau" ho rigorozamente. Uza rezultadu DMK hodi kompleta no finaliza ezbosu Lei 'Radiodifuzau ne'ebé SEKOMS dezenvolve ona.

## • **Who – Sé maka Sai inísia Ba Harii Lei Radiodifuzau?**

Sekretáriu Estadu Ba Komunikasaun Sosiál (SEKOMS) Mericio Juvinal dos Reis "AKARA" maka inísia ideia hodi fó orientasun polika ba Diresaun Nsionál Diseminasau Informasaun (DNDI) liu husi nia Departamentu Peskiza no Analiza Mídia (DPAM).

## • **Where – Iha ne'ebé, Peskiza halo iha Territóriu Timor-Leste hodi hetan informasaun ne'ebé bele representativu?**

Peskiza hodi hetan informasaun husi publiku ba harii lei radiodifuzau halo iha Munisípiu 12 no RAEOA, Munisípiu Covalima maka ekipa pesiza lato'o iha ne'ebá tanba peskiza tenke hotu iha Dezembru 2018 no laiha ona orariu ba fatin refere.

## • **Why – Tanbasá Lei Radiodifuzau Importante no Halo Peskiza?**

### **Objetivu no Benefísiu Husi Peskiza Peskiza ba harii Lei Radiodifuzau**

1. Halibur dadus kona-ba opiniaun públiku ba kria lei Radiodifuzau, liuliu sira nia rekomendasaun polítika atu konsidera propoin ba lei refere;

2. Analiza no hakerek relatóriu ho nian rekomendasaun polítika ba SEKOMS ba kompleta programa VIII Governu Konstitusionál;
3. Dezenvolve rekomendasaun profunda no halo submisaun ba Governu - (SEKOMS, MRLAP, KM, PM), Estadu no Parlamentu Nasionál atu estuda ba prosesu planu harii lei radiodifuzau;
4. Sai indikadór importante foun ne'ebé hetan nu'udar referénsia ba ema lei na'in sira iha nasionál no mós hanoin ruma husi peritu internasionál ba harii proposta no ezbosu lei radiodifuzau;
5. Hodi redus preokupasaun públiku katak lei ne'ebé atu harii adopta husi lei nasaun seluk maibé mai husi rekomendasaun polítika sidadun sira.

### • **How – Sé Maka Inísia Ideia Hodi Ba Harii Lei Radiodifuzau Ne'e?**

Idei husi Sekretariu Estadu Komunikaun Sosiál SEKOMS iha VIII Governu Konstituante, hamoru ideia ba harii Lei rdiodifuzau

### • **Synopse husi rezultadu peskiza: Aneksu.**

### • **Dezenvolve Esbosu Lei Radiodifuzau**

- EKOMS fó fiar ba jurista Timor-oan Dr. Avelino Coelho atu bele uza sinopse husi rezultadu peskiza hodi dezenvolve ezbosu Lei Radiodifuzau.
- Jurista internal SEKOMS – (Sra. Lilia Rosa Soares no Sr. Jose Perreira da Conceição ) hamutuk ho asesor/a – (Sra. Maria Eugenia Sousa no Sr. Constantino Escollano Brandão) halo diskusaun ho no harmoniaza ezbosu Lei ne'ebé maka Dr. Avelino dezenvolve ona.
- Ekipa internál finaliza ezbosu pre-lmináriu Lei Radiodifuzau.
- **Submete ba MAPKOMS**
  - Depois iha mudansa ba estrutura VIII Govenu, SEKOMS submete ezbosu Lei Radiodifuzau ba MAPKOMS hodi continua haree nia kontiúdu no artigo sira.
  - Entre ekipa jurídiku SEKOMS hamutuk ho ekipa jurídiku MAPKOMS continua halo diskusaun no harmoniza ezbosu Premimináriu Lei Rediodifuzau;
  - Ezbosu final Lei refere haruka ba Parlamentu Nasionál no sei debate.

**REMATA  
OBRIGADU BA ATENSAUN**